

Մէլիք Ատիլայ բանակեցաւ դէմ յանդիման նոցին, և յերկարիլ բանից իրաւախոհութեան, զկնի միոյ տարւոյ, նորոգեցին զդաշինս: Մէլիք Ատիլ վերստին եթող լատինաց զՅոպպէ, և երարձ զմասնակցութիւնս այլազգեաց 'ի Լիւդիոյ և 'ի Ռեմէէ: Եւ ինքն չուեալ դնաց յեգիպտոս (1197):

Իսկ յամին 1218 վերստին ժողովեցան լատինք բազմութեամբ 'ի ծովեզերեայ քաղաքն Պտղոմայիս, և անտի դիմեալ բանակեցան 'ի Սամարիա: Թէպէտ և եհաս անդ Մէլիք Ատիլ յեգիպտոսէ, այլ ոչ կարաց 'ի դիմի հարկանիլ նոցա սակաւաթիւ զօրօք: Լատինք ասպատակեցին զքաղաքս այլազգեաց ևւ աւերեցին զսովանդակ գաւառն որ 'ի մէջ Պիսանայ և Նապլուսայ, և կոտորեալ զբազումս դարձան աւարաւ 'ի Պտղոմայիս: Եւ 'ի յաջորդ ամին արշաւեցին 'ի սահմանս եգիպտոսի և սլաշարեցին զՏիմիաթ քաղաք. եհաս անդ Մէլիք Քեամիլ որդի Մէլիք Ատիլայ և բանակեցաւ ընդդէմ նոցա. և զկնի չորից ամսոց հալածական արար զնոսա անտի: Իսկ լատինք ստեն թէ՛ քրիստոնեայք առին զՏիմիաթ, այլ յետոյ զօրացեալ Արաբացոց յաղթեցին նոցա, և զբազումս կոտորեցին 'ի բերան սրոյ: Եւ յաւելուս թէ Ֆրանչիսկոս կրօնաւոր էաւ իբր ժառանգութիւն զվանքն Սիօնի յերուսաղէմ 'ի բնակութիւն լատին կրօնաւորաց, և հաստատեաց զկարգ Ֆրանչիսկեան կրօնաւորաց յԱսորիս (1219): Ի ամին ամի մեռաւ Մէլիք Ատիլ, և եկաց իշխան յեգիպտոս որդի նորին Մէլիք Քեամիլ, և եղբայր սորա Մէլիք էլ Մուազզամ Իսայ 'ի Դամասկոս: Իսկ լատինք վերստին դիմեցին 'ի կողմանս եգիպտոսի, և առին զՏիմիաթ քաղաք, և 'ի սուր մաշեցին զբնակիչս նորին, ևւ զմզկիթն փոխեցին յեկեղեցի: (1220): Իբրեւ լուաւ զայս Մէլիք էլ Մուազզամ՝ տէրն Դամասկոսի, երկեաւ յոյժ. զի 'ի յարձակիլ լատինաց 'ի վերայ երուսաղէմի, չէր ձեռնհաս խափանել զարշաւանս նոցա և սահել զքաղաքն. ուստի առաքեաց զբազմութիւն զործաւորաց և քարահատաց, և ետ հիմնայատակ կործանել զպարիսպ քաղաքին, զոր Մէլիք Սալահատտին կարի վայելուչ չինեալ և ամրացուցեալ էր զայն, որպէս ասացաք 'ի նախնիքս: Զայն տեսեալ բնակչաց քա-